

Tsab Ntawv Xov Xwm Kev Tshawb Fawb Txog Kev Kho Tus Kab Mob Khaus Viv-19 (COVID-19)



Lub Kaum Ob Hlis Ntuj 2022

[Zoo siab txais tos cov neeg nyeem](#)

[Cov kev hloov pauv tshiab txog kev
tshawb fawb txog kev kho Tus Kab Mob
Khaus Viv-19 \(COVID-19\)](#)

[Cov ntaub ntawv kev faib qee](#)

[Cov kev tshwm sim](#)

[Cov Chaw Muab Kev Pab Cuam](#)

Zoo siab txais tos cov neeg nyeem

Zoo siab txais tos rau Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA)

Tsab ntawv xov xwm kev tshawb fawb txog Kev Kho Tus Kab Mob Khaus Viv-19 (COVID-19)!

Lub hom phiaj ntawm tsab ntawv xov xwm no yog rau peb pab pawg los ua kom sib txuas tau nrog Xeev Oregon mus ntxiv. Peb teev hom phiaj los ua kom koj paub txog txhua yam tshiab ntawm Kev Tshawb Fawb Txog Kev Kho Tus Kab Mob Khaus Viv-19 (COVID-19), cov xwm txheej thiab muab cov chaw muab kev pab cuam ntxiv. Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tau mob siab rau lub vaj ham sib luag thiab nce txoj kev nkag cuag tau rau cov kev kho Tus Kab Mob Khaus Viv-19 (COVID-19) rau Cov Pej Xeev Hauv Lub Xeev Oregon tus uas xav tau txoj kev kho mob ntawd.

Cov kev hloov pauv tshiab txog kev tshawb fawb txog kev kho Tus Kab Mob Khaus Viv-19 (COVID-19)

Kev Sim Kuaj Mob txhawm rau los Kho Mob (T2T)

Qhov ***txheej txheem pab cuam*** Kev Sim Kuaj Mob txhawm rau los Kho Mob (T2T) txuas cov neeg muaj cai tsim nyog tau txais kev pab cuam uas yog cov muaj kev pheej hmoo raug tau rau Tus Kab Mob Khaus Viv-19 (COVID-19) mob loj siab dua, rau cov kev kho mob. Cov chaw no muab kev nkag cuag tau rau cov neeg uas tuaj txais txoj kev kuaj, tau txais daim ntawv sau qhia yuav tshuaj los ntawm tus kws muab kev saib xyuas kho mob, thiab sau daim ntawv sau qhia yuav tshuaj ntawd, txhua ntawm ib qho chaw ntawd los sis xa koj daim ntawv sau qhia yuav tshuaj mus rau lub khw muag tshuaj nyob ze. [Lub Tshuab Qhia Chaw Muab Kev Sim Kuaj Mob txhawm rau los Kho Mob \(T2T\)](#) pab koj nrhiav cov chaw uas muab cov kev pab cuam no. **Nco ntsoov, ntau qhov chaw, suav nrog qee ntawm Tsoom Fwm Cov Chaw Saib Xyuas Hauj Lwm Kev Noj Qab Haus Huv Uas Tau Txais Kev Pom Zoo (Federally Qualified Health Centers, FQHCs), muaj peev xwm siv kev saib xyuas kho mob raws xov kev hu tooj (telehealth) tau. Piv txwv li, cov chaw Walgreens uas tau teev nyob rau hauv lub tshuab nrhiav chaw muaj peev xwm siv txoj kev saib xyuas kho mob raws xov kev hu tooj (telehealth) tau raws Txoj Kev Saib Xyuas Kho Mob Xav Tau Ceev Providence.**

Yog tias koj tsis muaj is saws las kev pov hwm, muaj teeb meem rau kev them nyiaj rau txoj kev saib xyuas kho mob, los sis xav tau lub chaw muab kev pab cuam ntxiv, FQHCs tau teev hauv Kev Sim Kuaj txhawm rau los Kho Mob yog txoj kev xaiv uas zoo.

Ntxiv nrog rau Walgreens, thov saib daim ntawv teev npe hauv qab no txog rau ntawm cov chaw Kev Sim Kuaj txhawm rau los Kho Mob ntau ntxiv.

FQHCs

- [Lub Chaw Saib Xyuas Kev Noj Qab Haus Huv Virginia Garcia Memorial - Hillsboro](#)
- [Lub Chaw Saib Xyuas Kev Noj Qab Haus Huv ntawm Zej Zos - Hood River](#)
- [Lub Chaw Saib Xyuas Kev Noj Qab Haus Huv ntawm Zej Zos - The Dalles](#)
- [Lub Chaw Saib Xyuas Kev Noj Qab Haus Huv Valley Family - Ontario](#)
- [Lub Chaw Saib Xyuas Kev Noj Qab Haus Huv Valley Family - Nyssa](#)
- [Lub Chaw Saib Xyuas Kev Noj Qab Haus Huv Valley Family - Vale](#)

- [Lub Tuam Chaw Blackburn Kev Txhawj Xeeb Nruab Nrab Nroog - Portland](#)
- [Lub Chaw Kuaj Mob Qub Nroog Kev Txhawj Xeeb Nruab Nrab Nroog - Portland](#)
- [Lub Chaw Kuaj Mob La Clinica - Medford](#)

Cov Kev Saib Xyuas Kho Mob Thaum Muaj Xwm Ceev

- [Lub Chaw Saib Xyuas Kho Mob Kis Xav Tau Maj Rawm St. Charles - Prineville](#)
- [Lub Chaw Saib Xyuas Kho Mob Kis Xav Tau Maj Rawm St. Charles - Bend](#)
- [Lub Chaw Saib Xyuas Kho Mob Kis Xav Tau Maj Rawm St. Charles - La Pine](#)
- [AFC Kev Saib Xyuas Kho Mob Kis Xav Tau Maj Rawm - Hillsboro](#)
- [AFC Kev Saib Xyuas Kho Mob Kis Xav Tau Maj Rawm - Portland Sab Hnub Poob Yav Qauv Teb](#)
- [AFC Kev Saib Xyuas Kho Mob Kis Xav Tau Maj Rawm - Beaverton](#)
- [AFC Kev Saib Xyuas Kho Mob Kis Xav Tau Maj Rawm - Portland Sab Hnub Tuaj Yav Qauv Teb](#)
- [AFC Kev Saib Xyuas Kho Mob Kis Xav Tau Maj Rawm - Ceeb Nroog Oregon](#)
- [AFC Kev Saib Xyuas Kho Mob Kis Xav Tau Maj Rawm rau Txoj Kev Qhia Tshuaj Kho Mob Ncuas Kev Deb \(Telemedicine\)](#)
- [Txheej Txheem Pab Cuam Go Health - Cedar Hills](#)
- [Txheej Txheem Pab Cuam Go Health - Fairview](#)
- [Txheej Txheem Pab Cuam Go Health - Gresham](#)
- [Txheej Txheem Pab Cuam Go Health - Johnson Creek](#)
- [Txheej Txheem Pab Cuam Go Health - Lake Oswego](#)
- [Txheej Txheem Pab Cuam Go Health - Ceeb Nroog Oregon](#)
- [Txheej Txheem Pab Cuam Go Health - Raleigh Hills](#)
- [Txheej Txheem Pab Cuam Go Health - Sherwood](#)
- [Txheej Txheem Pab Cuam Go Health - Williams](#)

Cov chaw muag tshuaj

- [Lub Khw Muag Tshuaj Raws Daim Ntawv Sau Yuav Tshuaj - Redmond](#)

LUS CIM TSEG: Thov rov kho lub chaw tshawb nrhiav tshiab thaum mus tshawb



Kev Saib Xyuas Kho Mob Raws Xov Kev Hu Tooj (Telehealth)

Tau raug sim kuaj mob pom tau tias muaj Tus Kab Mob Khaus Viv-19 (COVID-19)

Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority) nrog tuam txhab Color Health los muab txoj kev saib xyuas kho mob raws xov kev hu tooj (telehealth) **pub dawb**

Cov kev mus ntsib kws kho mob hauv xeev Oregon txhawm rau txiav txim seb puas tsim nyog muab txoj kev kho Tus Kab Mob Khaus Viv-19 (COVID-19) rau koj.

Ua ntej hu los sis mus saib lub vas xaib Color thov ua zoo txheeb xam txog cov nram qab no:

- Cov tshuaj no yuav tsis raug rau txhua tus neeg. Qee zaum, tus kws muab kev saib xyuas kho mob yuav tsum tau kuaj mob hauv chav kuaj ntsuas kab mob txhawm rau txheeb seb puas muaj kev nyab xeeb rau koj los siv cov kev kho mob uas tau muab los no. Vim li no, peb thiaj xav kom txhua tus neeg hu los sis mus ntsib kiag koj tus kws muab kev saib xyuas kho mob ua ntej yog tias koj muaj cov tsos mob los sis kuaj pom tias muaj mob lawm.
- Color health muab cov kev teem caij mus ntsib saib xyuas kho mob raws xov kev hu tooj (telehealth) pub dawb txhawm rau txiav txim siab seb koj puas tsim nyog tau txais txoj kev kho Tus Kab Mob Khaus Viv-19 (COVID-19) raws cov tshuaj tua kab mob vais lav hom noj ntawm ncauj. Muab txoj kev pab sab laj ua 17 hom lus sib txawv.

Yog tias txoj kev kho mob ntawd raug sau muab los ntawm tus kws kho mob nyob rau thaum koj mus ntsib kws kho mob nyob rau txoj saib xyuas kho mob raws xov kev hu tooj (telehealth), koj tuaj yeem xaiv kom muab koj cov tshuaj xa tuaj tsis pub dhau 24 – 48 teev los sis kom muaj rau koj tuaj tos nqa kiag rau ntawm lub khw muag tshuaj hauv zos.

Cov sij hawm siv kev saib xyuas kho mob raws xov kev hu tooj (telehealth) yog **8:00 teev sawv ntxov txog 8:00 teev tsaus ntuj PST**, 7 hnuv hauv ib lub lim piam.

Txhawm rau pib qhov kev mus ntsib kws kho mob dawb no, siv koj lub xov tooj tshaj lij (smartphone) los sis lub khoos pis tawj mus rau:

color.com/covid-19-treatment-or

Los sis theej daim duab tus zauv QR yam siv koj lub koob yees duab ntawm lub xov tooj tshaj lij (smartphone).



Yog tias koj tsis muaj lub xov tooj tshaj lij (smartphone) los sis nkag mus rau lub koos pis tawj (computer), koj tuaj yeem hu rau tus xov tooj xwm ceev ntawm 833-273-6330.

Nws ua hauj lwm li cas?

Kauj Ruam 1

Mus rau ntawm color.com/covid-19-treatment-or los sis hu rau 833-273-6330 thiab qhia peb txog koj cov tsos mob

Kauj Ruam 2

Koom nrog kev hu vis dis aus los sis hu xov tooj

Kauj Ruam 3

Yog tias koj tau txais txoj kev siv tshuaj tua kab mob vais lav, tuaj tos nqa kiag ntawm koj lub khw muag tshuaj hauv zos los sis txais kev xa tuaj rau tom tsev

Yog xav paub ntxiv txog qhov txheej txheem pab cuam, thov mus saib rau hauv txheej txheem pab cuam ntawm Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority) nplooj vas sab ntawm no: govstatus.egov.com/or-oha-covid-19-treatments

Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP)

Cov pej xeeb tuaj yeem tau txais kev kho mob me ntsis yam tsis tau them nqi. **Raws li Lub Xya Hli 1, 2022, tam sim no ntau cov neeg laus muaj tsim nyog tau txais txiaj ntsig thiab lwm yam kev pab cuam, tsis hais fab twg ntawm lawv li xwm txheej kev nkag teb chaws.** Koj tuaj yeem mus ntsib [Healthier Oregon](#) lub vas sab (website) txhawm rau kom paub ntau ntxiv los sis saib [Cov Lus Nug Uas Quag Nug \(Frequently Asked Question, FAQ\) Hais txog Healthier Oregon.](#)

Koj tuaj yeem mus saib hauv [Phiaj Xwm Kev Npaj Rau Fab Kev Noj Qab Haus Huv Hauv Xeev Oregon \(Oregon Health Plan, OHP\) nplooj vas sab \(webpage\)](#) txhawm rau cov ntaub ntawv qhia paub txog kev muaj cai tsim nyog tau txais thiab txoj hauv kev los

tso npe thov. Kev sau npe nkag yeej ib txwm qhib thiab Medicare thiab cov phiaj xwm is saws las tuav pov hwm kev noj qab haus huv ntiag tug yeej qhib rau kev sau npe nkag nyob rau lub caij nplooj zeeg. Yog tias koj tsis paub meej tias seb Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) puas yog qhov haum rau koj, koj tuaj yeem mus rau OregonHealthCare.gov txhawm rau pab koj nrhiav daim ntawv thov uas ua hauj lwm zoo tshaj rau koj thiab koj tsev neeg.



Tam sim no Tshuaj Bebtelovimab tsis tau txais kev tso cai siv rau thaum muaj xwm txheej ceev lawm nyob rau hauv Teb Chaws Mes Kas

Tam sim no Tshuaj Bebtelovimab tsis tau txais kev tso cai siv rau thaum muaj xwm txheej ceev lawm nyob rau hauv ib cheeb tsam twg li ntawm Teb Chaws Mes Kas vim tias nws tsis tuaj yeem tiv thaiv tau Tus Kab Mob Hom Aus Mis Khoj (Omicron) ces BQ.1 thiab BQ.1.1.

Qhov Tseem Ceeb ntawm Tus Kws Muab Kev Saib Xyuas Kho Mob



Tau nrhiav pom nyob rau xyoo 1986, Kev Noj Qab Haus Huv ntawm Ib Lub Zej Zos (One Community Health, OCH) yog lub chaw kuaj mob uas tsis vam nyiaj tshaj thawj, tau txais ntawm pov thawj los ntawm tsoom fwv, nyob rau hauv zej zog thiab yog rau cov neeg tsiv teb tsaws chaw. Lawv lub qhov rooj qhib rau cov zej zos ntawm lub nroog Hood River thiab Wasco hauv xeev Oregon, thiab lub nroog Klickitat thiab Skamania hauv xeev Washington. Lawv muab cov kev pab cuam fab kev kho mob, kev kho hniav, thiab kev noj qab haus huv ntsig txog tus cwj pwm rau ntau tshaj li 20,000 tus neeg mob. Kev Noj Qab Haus Huv ntawm Ib Lub Zej Zos (One Community Health, OCH) ntseeg tias lub hwm tsam kev khwv nyiaj txiag yog qhov tod tim ntxiv uas tseem ceeb ntawm kev ua hauj lwm yam muaj lub vaj huam sib luag thiab txhim kho kev noj qab haus huv ntawm cov zej zos.

Nyob rau Lub Kaum Hli Ntuj, Kev Noj Qab Haus Huv ntawm Ib Lub Zej Zos (One Community Health, OCH) tau tab tsa nws thawj xyoo *Fiesta Cultural del Gorge*. Kev Noj Qab Haus Huv ntawm Ib Lub Zej Zos (One Community Health, OCH) lub hom phiaj ntawm kev txhawb nqa kev noj qab haus huv thiab kev ncaj ncees fab sim neej rau cov xwm txheej ceev hauv lub zej zos ntawm Columbia River Gorge txoj kev tshawb nrhiav tas li ntawm cov tswv yim tshiab thiab cov phiaj xwm los txhawb txoj kev noj qab haus huv thiab lub vaj haum sib luag ua ke nyob rau hauv lub zej zos. Lub tswv yim los tsim Lub Hauv Toj (Fiesta) yog tsim los ntawm txoj kev xav tau kom muaj kev huab hwm rau Gorge lub zej zos Neeg His Xab Pas Niv thiab Neeg Las Tis Naum uas loj thiab tseem ceeb nyob rau thaum Lub Hli Kev Lom Zem ntawm Puav Pheej Neeg His Xab Pas Niv thiab tsom ntsees mus rau txoj kev paub txog cov txuj ci thiab cov zog ua tau zoo ntawm lub zej zos Neeg His Xab Pas Niv.

Lub Hauv Toj (Fiesta) muab ib lub sam thiaj rau cov chaw lag luam uas tus tswv yog Neeg His Xab Pas Niv hauv zos los muag thiab ua ke lag luam txog lawv cov khoom. Xam tag nrho yog muaj li kaum lub chaw lag luam uas tau tuaj koom nrog, thaum uas muaj 24 lub chaw lag luam tau pab nyiaj pub dawb thiab muab cov khoom plig raws kev rho hmoov. Kuj tseem muab lub sam thiaj rau 15 lub koom haum uas koom lag luam nrog los pab cov tswv cuab hauv zej zos nrhiav cov chaw muab kev pab cuam xws li kev siv tshab thauj mus los, kev saib xyuas me nyuam yaus, thiab kev muab kev kawm. Cov

thawv ntim khoom noj uas tshwj xeeb raws fab kab lis kev cai yog tau txais los ntawm Lub Oos Kas Saib Xyuas Kev Noj Qab Haus Huv Huv Xeev Oregon (Oregon Health Authority, OHA). *Cov kev seev cev ntawm Neeg Suav Tiam Qub, Los Amigos de la Sierra, thiab floreo de sogas (txoj kev dhia hlua) yog qhov kev lom zem tshwj xeeb rau kwv yees li 400 tus neeg tuaj koom.*

Kev Noj Qab Haus Huv ntawm Ib Lub Zej Zos (One Community Health, OCH) lub hom phiaj yog txhawm rau kom muaj txoj kev nkag cuag tau rau cov kev txhaj tshuaj tiv thaiv Tus Kab Mob Khaus Viv-19 (COVID-19) thiab tus kab mob khaus thuas loj kom coob tuaj nyob rau txoj kev lom zem thiab txoj kev ua kev zoo siab. Qhov no yog qhov kev teem caij ntsib kws kho mob uas cia li nkag mus kiag ntau tshaj plaws uas keev tau ua los yam muaj 133 txoj kev nkaug tshuaj sib tod ntawm tshuaj tiv thaiv Tus Kab Mob Khaus Viv-19 (COVID-19) thiab tus kab mob khaus thuas loj ua ke.

Kev Noj Qab Haus Huv ntawm Ib Lub Zej Zos (One Community Health, OCH) txaus siab los pab cuam rau lub zej zos Neeg Latinx nyob rau hauv Gorge thiab muab txoj kev saib xyuas kho mob yam kho tshiab, vaj huam sib luag, nkag cuag tau rau, thiab koom nrog ua ke.

Cov ntaub ntawv kev faib qee


Txoj kev qee yog dab tsi?

Tsoom fwm lub chaw ua hauj lwm xaiv tias seb yuav muaj cov kev kho Tus Kab Mob Khaus Viv-19 (COVID-19) ntau npaum li cas rau txhua cov neeg tau txais hauv lub xeev. Tas ntawd ces Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) mam li txiav txim siab seb cov chaw twg hauv Xeev Oregon tau txais kev kho mob thiab yuav txais ntau npaum li cas.

Xeev Oregon tau muab faib ua cov cheeb tsam me uas muaj cov nroog nyob rau hauv nws. **Daim duab qhia chaw** qhia tias Xeev Oregon raug cais li cas thiab tuaj yeem muab daim duab zoo dua qub txog ntawm cov nroog uas nyob hauv txhua cheeb tsam.

Lub tas tab las qhia tias seb muaj ntau npaum li cas ntawm txhua qhov kev kho mob uas Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tau qee faib rau cov chaw hauv Xeev Oregon nyob rau lub hli tas los. **Thov nco ntsoov tias** qhov no tsuas yog qhia txog yam uas Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tau qee faib xwb thiab **tsis suav nrog** cov uas muab rau cov khw muag tshuaj los ntawm tsoom fwm lub chaw ua hauj lwm.

Cov Cheeb Tsam hauv Xeev Oregon (Raws Cov Nroog)



Cheeb tsam 1

	Cheeb tsam 2
	Cheeb tsam 3
	Cheeb tsam 5
	Cheeb tsam 6
	Cheeb tsam 7
	Cheeb tsam 9

Thoob Plaws Lub Xeev (11/01/2022 – 11/30/2022)

Hom kev kho mob	Lub npe txoj kev kho mob	Qhov uas tau faib qee
Tshuaj Txhawb Cov Roj Ntsha Tiv Thaiv Kab Mob Monoclonal (mAbs)	Tshuaj Bebtelovimab	60
	Tshuaj Evusheld*	432
	Cov Tsujaj mAbs Tag Nrho	492
Cov Tshuaj Tua Kab Mob Vais Lav	Tshuaj Lagevrio (tshuaj molnupiravir)	45
	Tshuaj Paxlovid	1780
	Tshuaj Kho Raum Paxlovid	135
	Cov Tshuaj Tua Kab Mob Vais Lav Tag Nrho	1,960


***Evusheld** raug siv los tiv thaiv kev kis Tus Kab Mob Khaus Viv-19 (COVID-19) nyob rau ntawm cov neeg uas muaj lab npauv tiv thaiv nrog cev kom kab mob tsis zoo qib nrab mus txog qib loj heev vim qhov zwj ceeb fab kev kho mob los sis tsis tuaj yeem tau txais cov tshuaj tiv thaiv vim yog cov laj thawj fab kev kho mob.

Tshuaj Remdesivir tseem yog ib txoj kev kho mob rau kev kis Tus Kab Mob Khaus Viv-19 (COVID-19) rau cov neeg mob uas yog neeg laus thiab me nyuam yaus. Thov nco ntsoov tias qhov no raug faib cais raws fab kev lag luam, thiab Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) yuav tsis faib qee cov tshuaj no.

Tsoom fwv lub chaw ua hauj lwm tseev kom txhua lub xeev los qhia qee cov ntaub ntawv qhia paub hais txog kev tswj hwm txoj kev kho mob. Tam sim no, lawv tseev kom tau cov ntaub ntawv qhia paub hais txog cov kev faib qee, kev faib cais, thiab kev siv txhua hnuv. Tsoom fwv lub chaw ua hauj lwm tsis tseev kom cov xeev sau khaws cov ntaub ntawv qhia paub hais txog kev tswj hwm fab kev kho mob raws li haiv neeg thiab hom haiv neeg tsawg, yog li ntawd, Lub Oos Kas Saib Xyuas Kev Noj Qab Haus Huv

Hauv Xeev Oregon (Oregon Health Authority, OHA) thiaj tsis tuaj yeem muab cov ntaub ntawv qhia paub no.

Cov kev tshwm sim



Cov Koob Tsheej Uas Yuav Los Txog Tom Ntej Nod

Cov Zeeg ntawm Txoj Kev Mloog Hauv Zej Zos

Thaum: Lub Kaum Ob Hlis Ntuj 14, 2022

Cov Sij Hawm: 1:00 teev tav su – 2:00 teev tav su

Kev Noj Qab Haus Huv ntawm Ib Lub Zej Zos (One Community Health, OCH) yuav ua tswv cuab tsim tsa Lub Rooj Sib Tham Mloog Txhua Tog Lus hauv Zos (Community Listening Session) nyob rau Hnub Wednesday, Lub Kaum Ob Hlis Ntuj 14 thaum 1 teev tav su. Tus Thawj Coj Saib Xyuas Txog Fab Kev Noj Qab Haus Huv Rau Pej Xeem Rachael Banks thiab Erica Sandoval, Tus Thawj Coj Saib Xyuas Txog Lub Vaj Huam Sib Luag ntawm Feem Saib Xyuas Kev Noj Qab Haus Huv Rau Pej Xeem, yuav koom nrog txoj kev sib txuas ncaj qha nrog zej zos. Lub hom phiaj ntawm qhov kev sib tham no yog los txhawb cov zej zog cov dab neeg thiab cov kev tau paub dhau los. Yog tias koj txaus siab los koom nrog, daim [foos](#) luv no yuav pab koj los npaj kom txhij. Peb tos ntsoov kom koj tuaj koom peb!

Cov Rooj Sib Tham Mloog Txhua Tog Lus hauv Zos (Community Listening Sessions) yog qhib lub hwm tsam rau cov tswv cuab, cov thawj coj, thiab cov khub koom tes hauv zos los sib tham thoob plaws lub xeev Oregon. Cov no yog cov hwm tsam los txuas nrog Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) cov kws kho mob thiab cov neeg ua hauj lwm; nrog rau cov chaw muab kev pab cuam, cov ntaub ntawv qhia paub, thiab cov ntaub ntawv hloov tshiab uas yog cov tshiab tshaj plaws tam sim no; thiab nrog cov npoj yaig ntawm cov khub koom tes hauv zej zos.

Daim Phiaj Teev Sij Hawm ntawm Cov Xwm Txheej Kev Lis Dej Num Raws Chaw Nqis Tes Ua Huaj Lwm Zej Tsoom Sawv Daws

Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) Cov Chaw Nqis Tes Ua Huaj Lwm tau tshaj tawm cov xwm txheej txhawb pab hauv daim phiaj teev sij hawm ntawm cov xwm txheej zej tsoom sawv daws. Thov ua raws li qhov link txuas nyob rau ntawm lub ncauj lus txhawm rau saib cov xwm txheej yav tom ntej thiab txheeb xyuas seb qhov xwm txheej twg uas koj xav mus koom nrog.

Cov Chaw Muab Kev Pab Cuam

[Nplooj Vas Sab \(Webpage\) Hais Txog Cov Kev Kho Tus Kab Mob Khaus Viv-19 \(COVID-19\) Hauv Lub Zej Zos](#)

[Nplooj Vas Sab \(Webpage\) ntawm Tus Kws Muab Kev Saib Xyuas Kho Mob Hais txog Tshuaj Tua Kab Mob Vais Lav rau Tus Kab Mob Khaus Viv-19 \(COVID-19\)](#)

[Nplooj Vas Sab \(Webpage\) ntawm Tus Kws Muab Kev Saib Xyuas Kho Mob Hais txog Cov Roj Ntsha Tiv Thaiv Kab Mob Monoclonal rau Tus Kab Mob Khaus Viv-19 \(COVID-19\)](#)

[Healthier Oregon nplooj vas sab \(webpage\)](#)

[Cov Lus Nug Uas Nquag Nug \(Frequently Asked Question, FAQ\) txog Healthier Oregon](#)

[Phiaj Xwm Kev Npaj Rau Fab Kev Noj Qab Haus Huv Hauv Xeev Oregon \(Oregon Health Plan, OHP\) nplooj vas sab \(webpage\)](#)

[OregonHealthCare.gov](#)

[Xa email rau peb:](#) oha.therapeutics@odhsoha.oregon.gov

Tsoom fwv lub chaw ua hauj lwm

[Lub Tshuab Qhia Chaw Muab Kev Sim Kuaj Mob txhawm rau los Kho Mob \(T2T\)](#)

[Lub Tshuab Pab Nrhiav Chaw Muab Kev Tshawb Fawb Txog Kev Kho Tus Kab Mob Khaus Viv-19 \(COVID-19\)](#)

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Feem Saib Xyuas Hauj Lwm Txog Cov Kev Sib Txuas Lus Ntsig Txog Tus Kab Mob Khaus Viv-19 (COVID-

19 Communications Unit) ntawm tus xov tooj 1-971-673-2411, 711 TTY los sis COVID19.LanguageAccess@dhsosha.state.or.us.

Cov tsab ntawv thov txog kev luam tawm: Koj muaj peev xwm rub tau cov ntaub ntawv siv tawm nyob rau ntawm nplooj no. Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tsis muaj cov hom ntawv luam tawm ua daim ntawv. Thov txhob ua siab deb koj tuaj yeem luam tawm tau txhua yam ntaub ntawv uas koj xav tau.

Kev nkag cuag tau rau hom lus: Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tab tom ua hauj lwm los mus muab cov ntsiab lus xub thawj ntawm cov hom lus uas tsis yog Lus As Kiv. Muaj ntau cov ntaub ntawv siv nyob rau hauv peb tshooj lus qhia txog cov chaw muab kev pab cuam rau cheeb tsam zej zos uas sau ua ntau yam lus. Tsis tas li ntawd Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) kuj tseem muab kev xaiv siv Google™ Translate los mus pab koj txog rau kev nyeem Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) lub vas sab (website) uas sau ua lwm yam lus dhau ntawm Lus As Kiv tib si. Google™ Translate tsis muaj peev xwm yuav txhais tau txhua hom ntaub ntawv thiab tej zaum nws kuj yuav tsis tuaj yeem txhais kom tau raug meej tseeb. Txhua tus neeg uas lawv pheej ee rau cov ntaub ntawv txhais uas tau los ntawm Google™ Translate ces lawv muaj feem ntsib kev phom sij rau lawv tus kheej. Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tsis tau muaj kev cog lus, kev ruaj siab, los sis kev lav ntxhais txog rau qhov kev txhais raug meej tseeb ntawm cov lus txhais uas muaj pab rau koj ntawd.

Cov lus nug txhua yam (thuaj pais) txog ntawm tus tshuaj txhaj ti thaiv kab mob ORCOVID@211info.org